

ՀԱՅԱՍՏԱՆ.

ՖԻՆԱՆՍԱԿԱՆ  
ՆԵՐԳՐԱՎՎԱԾՈՒԹՅՈՒՆ  
«ՖԻՆԱՆՍԱԿԱՆ  
ՆԵՐԳՐԱՎՎԱԾՈՒԹՅՈՒՆ»  
ԳՈՒԼ

ՍԵՐԳԵՅ ՍՈՒՔԻԱՍՅԱՆ

Թողարկում N2, 2018

ԵՐԵՎԱՆ 2018

## ՀԱՅԱՍՏԱՆ.

### ՖԻՆԱՆՍԱԿԱՆ ՆԵՐԳՐԱՎՎԱԾՈՒԹՅՈՒՆ

### «ՖԻՆԱՆՍԱԿԱՆ ՆԵՐԳՐԱՎՎԱԾՈՒԹՅՈՒՆ» ԳՈՒ ԼԱԲՈՐԱՏՈՐԻԱ

#### ՍԵՐԳԵՅ ՍՈՒՔԻԱՍՅԱՆ

«Հայաստան. Ֆինանսական ներգրավվածություն» վերլուծականը էլեկտրոնային պարբերական է, որի նպատակն է վերլուծել և հանրությանն ամփոփ կերպով ներկայացնել Հայաստանի ֆինանսական ներգրավվածության բաղադրիչների փոփոխությունները:

Պարբերականը հրապարակվում է ՀՊՏՀ «Ֆինանսական ներգրավվածություն» գիտաուսումնական խմբի կողմից: Արտահայտված տեսակետները և եզրահանգումները պատկանում են հեղինակներին և կարող են չհամընկնել ՀՊՏՀ պաշտոնական տեսակետի հետ:

*Հրապարակումից օգտվելիս պարզաճ հղումը պարտադիր է:*

## ՀԱՅԱՍՏԱՆԻ ՖԻՆԱՆՍԱԿԱՆ ՇՈՒԿԱՅՈՒՄ 2017-ԻՆ ՆԵՐԳՐԱՎՄԱՆ ՈՒ ՏԵՂԱԲԱՇԽՄԱՆ ՏՈԿՈՍԱԴՐՈՒՅՔՆԵՐԸ ՆՎԱԶԵԼ ԵՆ

- Ֆինանսական ներգրավվածության աստիճանի բարձրացումը կախված է ֆինանսական ծառայությունների մատչելիությունից, հատկապես ավանդների և վարկերի նկատմամբ ձևավորված տոկոսադրույքների մակարդակներից:
- 2017թ-ի դեկտեմբերին մինչև մեկ տարի տևողությամբ ներգրավված ավանդների տոկոսադրույքները 2016թ-ի դեկտեմբերի համեմատությամբ հիմնականում նվազել են (աղյուսակ 1): Բացառություն է կազմում ՀՀ դրամով իրավաբանական անձանցից ներգրավման դրույքաչափը. նախորդ տարվա 7,4-ի դիմաց հաշվետու տարվա վերջին կազմել է 8,1 տոկոս:
- 2017թ-ի դեկտեմբերին մինչև մեկ տարի տևողությամբ տրամադրված վարկերի տոկոսադրույքները 2016թ-ի դեկտեմբերի համեմատությամբ նվազել են (աղյուսակ 1):
- ՀՀ բանկային համակարգի կողմից ներգրավման և տեղաբաշխման տոկոսադրույքների նվազման պատճառների բացահայտումը պահանջում է համալիր վերլուծություն:

**ԱՂՅՈՒՍԱԿ 1.** ՀՀ ֆինանսական շուկայում ներգրավման և տեղաբաշխման տոկոսադրույքները<sup>1</sup>

Ցուցանիշներ	2016թ. դեկտեմբեր	2017թ.		
		հոկտեմբեր	նոյեմբեր	դեկտեմբեր
<b>Ավանդներ՝ մինչև 1 տարի ժամկետով</b>				
<b>Իրավաբանական անձանց</b>				
ՀՀ դրամով	7,4	8,7	8,5	8,1
ԱՄՆ դոլարով	6,0	4,2	2,0	2,8
<b>Ֆիզիկական անձանց</b>				
ՀՀ դրամով	11,4	8,8	8,6	8,6
ԱՄՆ դոլարով	4,7	3,8	3,4	3,3
<b>Վարկեր՝ մինչև 1 տարի ժամկետով</b>				
<b>Իրավաբանական անձանց</b>				
ՀՀ դրամով	12,3	11,4	11,4	11,1
ԱՄՆ դոլարով	7,8	6,7	7,4	7,2
<b>Ֆիզիկական անձանց</b>				
ՀՀ դրամով	19,4	15,6	16,4	16,0
ԱՄՆ դոլարով	14,4	11,6	11,3	11,2

<sup>1</sup> Տես՝ ՀՀ կենտրոնական բանկի տեղեկագիր, 2016, դեկտեմբեր, էջ 56: ՀՀ կենտրոնական բանկի տեղեկագիր, 2017, դեկտեմբեր, էջ 66:

## ՀՀ ԱՌԵՎՏՐԱՅԻՆ ԲԱՆԿԵՐԻ ԿՈՂՄԻՑ ՆԵՐԳՐԱՎԱԾ ԱՎԱՆԴՆԵՐԻ ԵՎ ՏՐԱՄԱԴՐՎԱԾ ՎԱՐԿԵՐԻ ԱՄՍԱԿԱՆ ԾԱՎԱԼՆԵՐՆ ԱՎԵԼԱՑԵԼ ԵՆ

- 2017թ-ի դեկտեմբերի ընթացքում իրավաբանական և ֆիզիկական անձանց տրամադրված վարկերի ծավալները նախորդ տարվա նույն ամսվա համեմատությամբ ավելացել են: Իրավաբանական անձանց դրամով տրված վարկերն ավելացել են 31,6, իսկ ֆիզիկական անձանց տրված վարկերը 45,8 տոկոսով (աղյուսակ 1):
- 2017թ-ի դեկտեմբերի ընթացքում իրավաբանական և ֆիզիկական անձանցից ներգրավված ավանդների ծավալները նախորդ տարվա նույն ամսվա համեմատությամբ ավելացել են: Իրավաբանական անձանցից դրամով ներգրավված ավանդներն ավելացել են 38,9, ԱՄՆ դոլարով՝ 33,9, իսկ ֆիզիկական անձանցից համապատասխանաբար՝ 59,2 և 38,5 տոկոսով:
- Աղյուսակի տվյալները ցույց են տալիս, որ տրամադրված վարկերը գերազանցում են ներգրավման ծավալները, ինչը նշանակում է, որ վարկավորումն իրականացվում է ներգրավման այլ աղբյուրների հաշվին: Այս և բանկային գործունեության մյուս կողմերի շուրջ լաբորատորիայում իրականացվում է հետազոտություն «Բանկային տոկոս: Գործոններ: Նվազման հեռանկարներ» թեմայով:

### ԱՂՅՈՒՍԱԿ 2. ՀՀ առևտրային բանկերի կողմից ներգրավված ավանդների և տրամադրված վարկերի ծավալները<sup>2</sup> (մլն)

Ցուցանիշներ	2016 թ. դեկտեմբեր	2017 թ.		
		հոկտեմբեր	նոյեմբեր	դեկտեմբեր
<b>Վարկեր իրավաբանական անձանց</b>				
ՀՀ դրամով	46.873,9	38.258,0	50.059,3	61.680,7
ԱՄՆ դոլարով	364,6	167,3	202,6	409,2
<b>Վարկեր ֆիզիկական անձանց</b>				
ՀՀ դրամով	73.641,9	70.462,6	98.238,3	107.338,8
ԱՄՆ դոլարով	39,8	34,5	113,8	52,1
<b>Ավանդներ իրավաբանական անձանց</b>				
ՀՀ դրամով	25.403,1	18.579,6	15.305,8	35.295,1
ԱՄՆ դոլարով	52,7	69,0	19,2	78,9
<b>Ավանդներ ֆիզիկական անձանց</b>				
ՀՀ դրամով	39.160,5	45.790,7	59.892,2	62.359,0
ԱՄՆ դոլարով	156,5	190,9	183,1	216,8

<sup>2</sup> Տես՝ ՀՀ կենտրոնական բանկի տեղեկագիր, 2016, դեկտեմբեր, էջ 61: ՀՀ կենտրոնական բանկի տեղեկագիր, 2017, հոկտեմբեր, էջ 191: ՀՀ կենտրոնական բանկի տեղեկագիր, 2017, նոյեմբեր, էջ 73: ՀՀ կենտրոնական բանկի տեղեկագիր, 2017, դեկտեմբեր, էջ 71:

- «Ֆինանսական ներգրավվածության» ելակետային բաղադրիչը պաշտոնական ֆինանսական հաստատություններում վճարահաշվարկային և ֆինանսական հիմնական ծառայություններ ստացող հաճախորդներն են:
- Առևտրային բանկերի ինչպես իրավաբանական, այնպես էլ ֆիզիկական անձ հաճախորդների քանակը մեկ տարվա ընթացքում ավելացել է (աղյուսակ 3): Ընդ որում, ֆիզիկական անձանց հաշիվները 2017 թ. հոկտեմբեր և նոյեմբեր ամիսներին 2016 թ. դեկտեմբերի նկատմամբ որոշակիորեն նվազել է: Քանի որ առանձին անձը կարող է ունենալ մի քանի բանկային հաշիվներ, ուստի ֆինանսական ներգրավվածության աստիճանի գնահատումը վերաբերում է հարցումների կազմակերպմանը:
- Վարկային հաշիվների քանակը ևս ավելացել է, ինչն առավելապես տեղ է գտել ֆիզիկական անձանց վարկային հաշիվների հաշվին: Մեկ տարվա ընթացքում վերջինների հաշիվների քանակն ավելացել է 21632-ով և 2017 թ. դեկտեմբերին կազմել է 880427: Վերը նշված նկատառումը հարցումների կազմակերպման առումով ամբողջությամբ վերաբերում է նաև ավանդային և վարկային հաշիվներին:
- Աղյուսակի տվյալները ցույց են տալիս նաև, որ թեև ավելացել են ժամկետային ավանդային հաշիվները, սակայն դրանք մի քանի անգամ զիջում են վարկային հաշիվների քանակները: Նշվածը դնում է առանցքային խնդիր, ինչը վերաբերում է բանկերի ռեսուրսային բազային:

**ԱՂՅՈՒՍԱԿ 3. Հաճախորդների և նրանց բանկային հաշիվների քանակը<sup>3</sup>**

Ցուցանիշներ	2016 թ. դեկտեմբեր	2017 թ.		
		հոկտեմբեր	նոյեմբեր	դեկտեմբեր
<b>Հաճախորդների քանակ</b>	2493558	2457384	2471714	2496489
Իրավաբանական անձ	79609	80456	81730	82100
Ֆիզիկական անձ	2413949	2376928	2389984	2414389
<b>Վարկային հաշիվների քանակ</b>	881100	880303	881907	902898
Իրավաբանական անձ	22305	22259	22480	22471
Ֆիզիկական անձ	858795	858044	859427	880427
<b>Ժամկետային ավանդային հաշիվների քանակ</b>	194502	202150	203636	206608
Իրավաբանական անձ	3070	2803	2787	2813
Ֆիզիկական անձ	191432	199347	200849	203795

<sup>3</sup> Տես՝ ՀՀ կենտրոնական բանկի տեղեկագիր, 2016, դեկտեմբեր, էջ 99: ՀՀ կենտրոնական բանկի տեղեկագիր, 2017, դեկտեմբեր, էջ 110: